



ბრძანება:ბ90.1423026001

თარიღი:26/01/2023

**ა(ა)იპ „საქალაქო ინფრასტრუქტურისა და კეთილმოწყობის
სამმართველო“-სა და შპს „ბეგი ჯორჯია“-ს შორის 2021 წლის
23აგვისტოს გაფორმებული სახელმწიფო შესყიდვის შესახებ N 77
ხელშეკრულების შეწყვეტის თაობაზე**

ა(ა)იპ „საქალაქო ინფრასტრუქტურისა და კეთილმოწყობის სამმართველო“-თან 2021 წლის 23აგვისტოს გაფორმებული სახელმწიფო შესყიდვის შესახებ N 77 ხელშეკრულების (NAT210013147) საფუძველზე შპს „ბეგი ჯორჯია“-მ აიღო ვალდებულება ურეხის ყოფილი ინტერნატის მზრუნველობამოკლებულ ხანდაზმულთა ცენტრად რეკონსტრუქცია ადაპტაციის სამუშაოების. სახელშეკრულებით ღირებულება განისაზღვრა 2 324 566.03 ლარით. სამუშაოების შესრულების ვადად განისაზღვრა 2022 წლის 20 დეკემბრის ჩათვლით პერიოდი.

სამუშაოების დაგვიანებით დაწყება გამოწვეული იყო ურეხის ყოფილ ინტერნატში მცხოვრები მოზინადრების გამო, რაზედაც ა(ა)იპ „საქალაქო ინფრასტრუქტურისა და კეთილმოწყობის სამმართველო“-მ კომპანიის 2021 წლის 25 ნოემბრის წერილით წარმოდგენილი გეგმა-გრაფიკი, სადაც სამუშაოების დასრულების ვადად განსაზღვრული იყო 2023 წლის 29 იანვარი, განიხილა კომპანიასთან ერთად და N77 ხელშეკრულებაში შევიდა ცვლილება, გაფორმდა მხარეთა შეთანხმება N1 (6 დეკემბერი, 2021წ), რომლის საფუძველზე ხელშეკრულებით გათვალისწინებული სამუშაოების დასრულების ვადა ნაცვლად 2022 წლის 30 ოქტომბრისა, განისაზღვრა 2022 წლის 20 დეკემბრის ჩათვლით პერიოდი.

სამუშაოების მიმდინარეობის დროს გამოვლენილ ხარვეზებთან დაკავშირებით კომპანიის წერილი შესასწავლად გადაგზავნილი იქნა საპროექტო ორგანიზაციაზე შპს „აჭარკაპმშენი“-ზე, რომელმაც შეისწავლა ადგილზე არსებული მდგომარეობა, როგორც წერილშია აღნიშნული კომპანიასთან და საზედამხედველო ორგანიზაციასთან ურთიერთშეთანხმების საფუძველზე წერილობით წარმოდგინა კორექტირებული საპროექტო დოკუმენტაცია.

გამომდინარე ზემოაღნიშნულიდან კომპანიისთვის უკვე ცნობილი იყო ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს პოზიცია, საპროექტო-სახარჯთაღრიცხვო დოკუმენტაციაში ცვლილებების განხორციელების შესახებ, შესაბამისად მიმწოდებელს შეეძლო ეწარმოებინა პროექტში ცვლილების შეტანის პარალელურად ცვლილებით გათვალისწინებული სამუშაოები.

ზემოთ ხსენებული ცვლილებების დროული განხორციელება შეაფერხა, მხოლოდ იმ გარემოებამ, რომელიც შეეხებოდა 2022 წლის 28 თებერვალს ა(ა)იპ „ბათუმის სოციალური სერვისების სააგენტო“-ს მიერ მოწერილი წერილის საფუძველზე, რითაც ითხოვდნენ „მიუსაფრთა დროებითი თავშესაფრის ფუნქციონირების მინიმალური სტანდარტების დამტკიცების შესახებ“ ტექნიკური რეგლამენტის მოთხოვნებზე მორგების გათვალისწინებით განხორციელებულიყო ცვლილებები საპროექტო დოკუმენტაციაში, რაც მოიცავდა შენობის მე-4 სართულის მოხსნას და შენობის შიდა სივრცეების ხელახალ დაგეგმარებას.

აღნიშნული ცვლილებების განხორციელების დროს კომპანია უშუალოდ იყო ჩართული კორექტირებული საპროექტო-სახარჯთაღრიცხვო დოკუმენტაციის მომზადებაში. ასევე კომპანიის მიერ 2022 წლის 27 ივნისს და 26 სექტემბრის წარმოდგენილია მიღება-ჩაბარების აქტებით სადაც ათვისებულია სახურავის მოწყობის სამუშაოები, რაც მიუთითებს იმაზე, რომ კომპანიისთვის ცნობილი იყო თუ რა სამუშაოები უნდა განხორციელებინათ კორექტირების შემდეგ. კომპანიას შეეძლო ეწარმოებინა ცვლილების განხორციელებამდე როგორც ტერიტორიის კეთილმოწყობის ასევე გარე განათების მოწყობის სამუშაოები.

ამასთანავე ცვლილების გაფორმების შემდგომ კომპანიას არ უწარმოებია სამუშაოები ობიექტზე, რაზედაც არაერთხელ ეცნობათ შეპირისპირებულად და ასევე წერილობით (N90-14222977 24/10/2022წ). სამუშაოები ობიექტზე განახლდა, მხოლოდ მას შემდეგ როცა ეცნობათ ხელშეკრულების შეწყვეტის შესახებ. ყოველივე ზემოაღნიშნულიდან გამომდინარე, შპს „ბეგი ჯორჯია“-ს კორექტირების პერიოდში შეეძლო ეწარმოებინა სამუშაოები, რომლებიც არ საჭიროებდნენ ცვლილებას, რაც კომპანიის მხრიდან არ განხორციელებულა.

N77 ხელშეკრულების ღირებულება განსაზღვრული იყო 2 494 995,78 ლარი, კომპანიამ შეასრულა მხოლოდ 506 159,57 ლარი სამუშაოების დახლოებით 25%.

2022 წლის 29 დეკემბერს და 2023 წლის 17 იანვარს დაქირავებულმა ზედამხეველმა შპს

„ზაისი და კომპანია“-მ გვაცნობა წერილობით (10/1422363307-90 29.12.2022წ.; N10/1423017383-90 17.01.2023წ.), რომ შპს „ბეგი ჯორჯია“-მ ობიექტზე სამუშაოები შეაჩერა.

გამომდინარე აქედან, სამმართველომ მიიღო გადაწყვეტილება სახელმწიფო შესყიდვების შესახებ N77 ხელშეკრულების შეწყვეტასთან დაკავშირებით.

სახელმწიფო შესყიდვების შესახებ N77 ხელშეკრულების მე-13 მუხლის 13.1.3.1., 13.1.3.4., პუნქტების, ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს წესდების მე-6 -ე მუხლის „ე“ ქვეპუნქტის, ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს საქალაქო ინფრასტრუქტურისა და კეთილმოწყობის სამსახურის-მონიტორინგისა და ტექნიკური ზედამხედველობის განყოფილების შტატგარეშე ტექნიკური ზედამხედველის კონსტანტინე გუმბერიძის 2023 წლის 24 იანვრის N 90-1423024185 მონსენებითი ბარათის შესაბამისად,

გ ბ რ ძ ა ნ ე ბ ე:

1. 2023 წლის 24 იანვრიდან შეწყდეს ა(ა)იპ „საქალაქო ინფრასტრუქტურისა და კეთილმოწყობის სამმართველო“-სა და შპს „ბეგი ჯორჯია“-ს შორის 2021 წლის 23 აგვისტოს გაფორმებული სახელმწიფო შესყიდვის შესახებ N 77 ხელშეკრულება. (NAT210013147)
2. შპს „ბეგი ჯორჯია“-ს N 77 ხელშეკრულების 10.1 პუნქტის თანახმად ხელშეკრულებით ნაკისრი ვალდებულებების დაგვიანებით შესრულებისათვის 35 დღის ვადის გადაცილების გამო ყოველ დაგვიანებულ კალენდარული დღისათვის დაეკისროს პირგასამტეხლო შესასრულებელი ვალდებულების(დარჩენილი) შესაბამისი ღირებულების 0,5 %-ის ოდენობით 1 დღეზე- 9092,03 (ცხრა ათას ოთხმოცდათორმეტი ლარი და 03 თეთრი) ლარი, 35 დღეზე 318 221,05 ლარი (სამას თვრამეტი ათას ორას ოცდაერთი ლარი და 05 თეთრი), ხოლო 10.3. პუნქტის თანახმად ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტისათვის პირგასამტეხლო ხელშეკრულების საერთო ღირებულების 5%-ის ოდენობით - 116 228,30 (ას თექვსმეტი ათას ორას ოცდარვა ლარი და 30 თეთრი) ლარის ოდენობით.
3. შპს „ბეგი ჯორჯია“-ს დაკისრებული პირგასამტეხლოს ანაზღაურება მოხდეს მიმწოდებლის მიერ ბრძანების ჩაბარებიდან 14 სამუშაო დღის ვადაში.
4. დაევალოს სამმართველოს საფინანსო-ეკონომიკური სამსახურის შესყიდვების განყოფილებას გადააგზავნოს სახელმწიფო შესყიდვების სააგენტოში შესამაბისი მოთხოვნა მიმწოდებლის შავ სიაში რეგისტრაციისათვის.
5. ამ ბრძანების ოფიციალური გაცნობა დაევალოს სამმართველოს საქმისწარმოების განყოფილებას.
6. ბრძანება შეიძლება გასაჩივრდეს მისი გაცნობიდან ერთი თვის ვადაში, ბათუმის საქალაქო სასამართლოში (ქ. ბათუმი, ზუბალაშვილის ქ. #30);
7. ბრძანება ძალაშია ხელმოწერისთანავე.

აკაკი ბერიძე

ა(ა)იპ „საქალაქო ინფრასტრუქტურისა და კეთილმოწყობის სამმართველო“-დირექტორი

გამოყენებულია კვალიფიციური ელექტრონული ხელმოწერა/ ელექტრონული შტამპი

